

wens vnd Zwillings/abermahlen zum 47. grad *Polus* höche/wie hievor/
vnd besitze die höche der Sonnen zur zwölfften stund/ da sind ich 63. gr.
12. min. Dife weite vom C. bis in den 63. gr. 12. min. trag ich wie zuvor/
mit dem Circel in die linien des Löwens vnd Zwillings/ vnd mach das
selbst ein puncten/für die 12. stund. Abermahlen/nimb ich das zeichen des
Stiers vnd der Jungfrauen/für mich in der Tasseleo/vnd besitze/was
neben dem 47. gr. *Polus* höche zur 12. stund/für ein zahl der Sonnenhöche
stande/so zeigt mir die Tassel 54. gr. 30. min. dife weite nimb ich wie vor/
mahlen mehr/auß dem C. mit dem Circel/bis in 54. gr. 30. min. vnd trag
die genomne weite auß die linien des Stiers vnd der Jungfrauen/ vnd
mach daselbst in puncten für die 12. stund. Weiters gange ich in die Taf-
felen zum Wider vnd der Wag/vnd nimb wahr neben dem 47. gr. *Polus*
höche/der zahl vnd der zwölfften stund/so sind ich 43. gr. da nimb ich mit
dem Circel auß dem C. in der *Continents* linien/wie vormahlen mehr bes-
schehen/die weite bis in 43. gr. vnd trag die in die linien des Widers vnd
der Wag/vnd mache ein puncten zur 12. stund/also fortan durch die übris-
gen zeichen/wie bis har gehandelt/bis die 12. stund in all linien getragen
sind. So diß beschehen/ zeuch mit einem Circel allwegen von 3. zu 3.
puncten/krumme linien zusamen/welches also beschicht/spann den Cir-
ckel ohngefer auß oder zu/vnd rucke ein Fuß hin vnd har/bis das der ans-
der Fuß all drey puncten berührt/so kompts recht/oder brauch dich der
lehr im Ersten Theil der fünfften auffgab/diß Buchs/so hast dann die 12.
stund/durch alle zwölff zeichen.

In aller form vnd gestalt wie jetzt gelehrt worden/die 12. stund daren
zuverzeichnen/also verhalt dich mit den übrigen stunden allen/durch alle
zwölff zeichen. Wann aber das Instrument gar groß machen woltist/
so were nonnöhten/die stunden von 10. zu 10. graden/in die zwölff zels-
chen zubringen/welche auß einem gerechten *Astrolabio*, mögent in Tas-
bellen bracht vnd verzeichnet werden/oder aber/wo sich einer bemühen
wolte/mag er alle Tag/oder je zum 10. tagen/vomeiner stund zur andern/
mit dem *Quadranten* die höche der Sonnen observieren/vnd Taffelen
darauf verzeichnen/wie hernach Cap. 5. im *Quadranten* soll gelehrt wer-
den/sonst finden sich die Tabellen in den *Ephemeridibus Origani*.